

永平府志卷七十

列傳二十二 列女下

金

汝南縣君張氏信武將軍齊某繼室也齊讀史氏每從旁問其概齊雅重之後齊卒貞祐初蒙古兵入平灤大掠乃攜家之燕亂平歸業已蕩然氏辛苦拮据竟能保有宗祀守節三十年卒及殯執紼送者千人鄉貢守素其子也

明

石氏太守某女也適豐潤縣尹王伯川生子守興伯川早卒其子亦天撫妾子如已出又凶文立碑祖塋紀先世功德翁瓚惡之磨其文並削妾子名比翁卒猶爲立石紀瓚不仕高蹈之志焉

庠生盧繼伯妻楊氏年十六而嫁未再歲夫沒痛欲俱亡時有娠五月姑泣諭曰爾奈何死儻生者男也亦可承楊氏祀爾死奈何氏泣諾後果生子事姑極孝姑病晝夜扶掖藥必親嘗乃進乃卒哀毀盡禮奉庶姑亦如之宗族多强悍相欺凌氏誠子勤學亦補邑弟子員

王氏適庠生汪必相生子而夫亡欲以身殉既祖奠乃

投纆柩前救之良久始甦後姑患癰氏晝夜洗濯敷藥籲天請代病果愈逾數歲姑沒家雖貧殯葬如禮自十九歲四十餘年如一日

黨文明妻葛氏年十八歸黨五月而夫亡氏號痛不輟其母止之且勸以再嫁氏曰夫死再嫁豈良婦耶因自縊家人覺而救之及其夫殯防稍弛卒縊死詔旌

國朝

李氏庠生闞相宸妻年二十七夫亡兄欲奪其志翦髮以誓食必先薦夫靈嘗割股療姑病撫三子俱入庠壽九十三卒雍正六年 旌

永平府志

卷七十

列女下

一一

賈思福妻趙氏年二十三夫亡無子繼夫從子爲嗣撫之成立娶婦景氏甫三年嗣子又亡遺孫在抱兩孀一孤形影相弔姑守節五十三年婦守節三十九年知府張朝琮旌曰松柏雙貞

石可舉妻孫氏年十七歸石四年夫亡遺孤崑方在襁褓竭蹙養親教子成立後崑娶婦生子未及而亡氏撫育孤孫益形艱苦乾隆十九年 旌

杜成芬妻趙氏年二十八夫亡子生功甫十歲氏撫之成立爲娶婦陳氏事孀姑頗得歡心姑亦愛之如女年二十三而生功亦歿遺兩孤長名義好善樂施鄉

里有貸其貲者病危時舉券付之火次名信邑庠生
乾隆二十九年姑媳均蒙旌表建坊信長子婦徐
氏亦笄年守節撫兩歲孤成立年七十三卒
王鴻績妻李氏素明大義年十九歸績結褵四載夫亡
無子時議立族姪某爲嗣氏曰姪猶子耳第翁年未
邁尙有望也勸姑代翁納側室舉三子翁歿家貧撫
夫弟俱成立

葛萬里妻劉氏夫亡遺孤方四歲家貧以十指爲生活
而常苦不給或以再醮勸之曰夫死而吾不死者爲
死者血食計耳不然吾豈畏死者何嫁爲會天大雪

永平府志

卷七十

列女下

又一

老屋四壁傾氏與孤壓埋雪中者二日以救得甦後
爲子娶婦生孫璉方在抱子與婦相繼亡呱呱索乳
氏曰哺之以口稍長俾就義塾得補弟子員氏自二
十四歲守志備嘗艱苦至六十六歲卒

賈啟妻高氏年十九夫亡無子誓守志或勸焉曰何人
也而不作人語由是足不踰閭終身不歸甯姑患疽
氏口吮膿穢手奉湯藥數年不怠五十九歲卒

汪文貴妻王氏年十九歸汪無翁姑伯叔文貴原籍山
西寄居樂亭越十餘載夫歿無田產賃屋以居遺女
一子二俱幼或勸之改適正色曰吾雖無業可守尙

有子可依是何言哉守志十三年長子天又五年次子又天氏大慟曰吾所以不死者爲兩孤後汪氏耳今已矣只有一死報汪氏然吾所居者無汪氏一寸土吾旣薄命身後又復累人人其謂我何乘夜潛至曠野河岸邊縊死

鄉貢生劉可興妻趙氏自于歸後奉祖舅姑及姑皆能得其歡心祖姑患背瘡氏爲洗濯口吮膿血年餘未嘗有情容祖姑嘗對人曰孫婦之孝世所未有我無以爲報願其多生貴子賢孫以爲報耳奉孀姑如母姑亦待之如女嘗患病姑默祝請代其相愛如此教子慈而嚴四子皆死膠庠貢成均女適人亦克執婦道人皆呼爲孝婦賢母云

永平府志

卷七十

列女下

三

邵氏高果妻也家貧以販菜爲生氏以紡績佐之猶常不給氏自啖糠粃必營饘粥奉姑一日爲糠所梗幾斃鄰婦以姑所餘孟粥飼之氏搖手曰恐難再得奈何分姑之餘後以勤儉頗致饒裕而姑已沒終身齋素嘗謂人曰吾姑存日卽菽水不常得吾今何忍美食有餘則以濟貧族里咸賢之

張貞女蔡各莊劉永之聘妻也襁褓結婚夫年十三以奇疾亡女聞耗痛不欲生旣請偕父母往弔禁之不

可至則登堂拜翁姑曰兒子婦也生作劉氏人死作劉氏鬼於願足矣翁姑勸曰六禮未行猶處子也別字不爲失節且汝年方盛守之實難何自苦女覩然面壁曰許守則生不許則死袖中突出白刃欲自戕翁曰矐姑急前掣其手泣曰能如是有光劉氏泉壤多矣恐勉於初敗於後故不敢輕諾果能如是吾夫婦方感汝敬汝憐愛汝何忍汝違也遂留成服以孝謹聞及翁姑沒爲繼子居仁完婚新婦事姑不謹居仁夢一總角子拍案大叫曰汝母苦節自幼有撫汝恩汝婦有虧婦道人心安在醒後不知其誰叩之所

生父母述其年貌曰汝亡父也居仁責婦婦悔終以孝稱女年七十四無疾而終

貞女劉氏藍坨苗某所聘妻也夫有宿疾因俗有喜沖病之說遂擇吉完婚至期甫入門而夫亡舅姑謂送女者曰可卽偕歸送者商之女泣曰旣入苗門卽爲苗婦焉有歸理遂成服守志爲夫立嗣夫得以勿殤

庠生史秉德繼室李氏邑舉人澤女也幼失怙恃鞠於兄嫂歸史後家僅中貲夫爲舌耕業內外家政皆氏綜理奴耕婢織事無廢曠又精筭算知人善任皆樂

爲之用家因以富饒夫卒後戒子成獲曰吾聞教於爾先人云旣富方穀又云倉廩實而知禮節吾所以殫精竭慮者爲爾得所憑藉庶幾考德問業克自成立也若視餘財可供侈靡是重遺以不肖資也成獲唯唯事無鉅細稟而後行蓋慈母也而兼嚴師矣至今談壺範者莫不推之

節婦姓閆氏幼凝重勤女紅姊妹輩或作閨中戲亦言亦笑而意凜如也年十七適王大年未及事舅姑夫又不甚讀書遂多外誘婦切諫之夫爲改行而家已中落年餘夫又卒遺孤方三歲一叔二妹俱幼稚旣

殯足不出閨日夜操婦工治家計薄粥兩啜雞三唱燈火猶熒然也妹嫁叔婚皆拮据取辦於婦依之如母然數年叔又死家益落婦遂困極不可狀鄰有寡姥憐其孤寂時襍被伴焉會姥有故未來苦乏水而婦門限素嚴外門晝夜閉卽族人亦不得輒入偕兒危坐鄰右皆其同族轆轤聲時徹門內卒不呼汲者會天雨以盆盎接檐溜乃得濟子旣壯娶婦慧而賢卽婦之姪也而是時同族仍罕見其面族中有大吉凶事或一往禮畢卽幡然返強留之輒戚然曰通塞人所恆有但如未亡人之薄命此必前生有自作之

孽天始位置如此寂處四壁猶有餘恧焉况覩然於
稠人前耶卒不留

孝婦楊氏東海之鄙人也幼鮮閨訓長無姆教而明慧
沈默言笑不苟其父爲相攸得同邑陰生陰故巨族
父仰其清門許焉十八歲于歸而家已中落入門後
婦職修明見者咸私議曰是之謂婦道詩禮族愧死
矣年餘生一女而作苦逾常兩弟兩妹家凡九口衣
履皆仰婦十指而又主饗飧兼操作嘗一手持鍼黹
一手持杖引火竈煙倒噴出風逆逼之煙撲於身者
眼不及淚鼻不及嚏折腰拗項偃偃而拭以肘而房

中呵叱之聲外達大概皆使尸饔者聞也當是時婦
惟口應答手操作其足之盤辟者履幾失於卽女呱
呱索乳不置隔窗略一睨而已人多心不平之而氏
則無幾微怨娣姒輩或乘閒慰之則曰一家非病卽
幼稚作苦者舍我而誰且吾幼無母吾父常客於外
今得翁姑身始覺有著落操作雖勞一身終不兩用
且氣力常用常有多費何傷乎吾所爲私憐吾命者
語至此咽不成聲淚泫泫泉湧欲立枯慰者亦爲之
歔歔各默默引去蓋生素溺飲博氏常泣諫至於長
跪而時遭白眼且反以生之不肖取翁姑怨也一日

姑偶至廚下見氏啗冷塊閒語其妹妹悽然曰勝糠
穀多矣兒念此恒爲之廢食特苦相戒焉故母未知
也姑感泣由是愛憐之道光辛巳且月望後一日氏
以疾卒翁姑撫膺痛哭曰天乎甚於喪我也其宗袞
子翼學博爲作東海孝婦傳

烈婦李氏灤州茨榆坨人祖德輿仕至阿迷州守婦生
於滇南官署名之曰印孃少穎異六歲時母口授毛
詩輒能默誦稍長習女紅窗前燈下恆琅琅有誦聲
香帙芸編時黏殘絨碎錦也後從其舅氏授涑水通
鑑閒叩以大義輒了了年二十一適新寨陰鳴岐伉

永平府志

卷七十

列女下

七

儷甚篤二年餘生一女又年餘岐沒婦乘閒盡焚其
所手書籍及自爲詩草而人弗覺也時方爲死者送
路取芻靈紙錢於門外火之火旣熾見一火珠騰光
飄起旋復有一火珠隨之飄飄入雲際觀者咸聳異
焉旣歸婦侍姑稍坐舉止如常命之寢始歸房向其
女兀坐久提句撫而哺之哺已謂僕婦曰且寢之對
屋牀上我稍靜片時僕婦抱女去旣句聞箱篋索索
有聲推門入見婦方整衣包堆置滿牀勸之且歇則
答曰汝視此零亂明日族中人來殊不雅觀我卽寢
汝且去休蓋此時已三鼓矣僕婦已倦極退出逾時

將欲解衣臥忽見對屋門隙燭光外射光亮異常趨視之門閉不得入穴窗一窺則婦直立牀上噤不能聲諦視之有帛懸於梁乃大號家人驚起抉門入氣已絕矣嚴妝如生目微矚北壁壁署絕命詞一章道其必死之心及所以宜死可死之故邑中士大夫覽其詞者皆稱其義烈焉

吳氏王莊王教妻也家故望族氏于歸時家已落教出關貿易翁素無行又娶繼室某氏頗不善於其婦曰酒食是耽而不知酒食所由來氏勤紡織雖終日不食無幾微愠而翁猶弗之善也一有不遂則詈聲喧

焉如是以爲常一日翁癰發於項勢危甚日謁三醫皆束手氏每夜焚香請代翁果愈頗感婦孝溫言慰藉之及大愈而故態復萌未幾教卒於外凶問至翁無所措氏拮据稱貸迎柩歸又嗣族子某爲子旣葬翁諷氏改適蓋欲得其嫁資爲揮霍計也氏不從翁意氏恃有子可依遂逐其嗣子使必嫁乃已氏泣勸曰翁姑老矣又無子設老病在牀有媳在雖無厚養尙可知寒燠媳去將誰役翁若弗聞也者逼勒百端至毀榻破窗使寒月無棲身所氏受之怡然後翁鬻宅他人僦屋而居衣食之資猶惟氏是賴迨翁姑沒

仍以某承祧遂就養女家終焉

康仲妻某氏者小家女也適仲數月仲卽外出數年無
耗或傳其已死有勸氏嫁者氏不從有父兄各爨彼
此俱貧不能相顧氏無子女恆傭於人然與伯氏分
養其姑甘旨不缺歲癸酉大疫伯氏病垂危屬其妻
曰家貧母老將以累汝吾死槨葬可也其妻將從之
氏在外聞信歸視見病已革又聞無棺不勝酸痛語
嫂曰吾今歲傭錢已竭試以來歲傭勺人里有王姓
字慶徵者素好義氏詣焉入門屈雙膝於王王驚問
故氏泣告曰吾伯氏病且死無力置棺願貸錢十千

永平府志

卷七十

列女下

九

吾以來歲傭錢償無負也王曰汝有此心何必計償
因如數與之伯氏死遂得斂數月仲突自外入夫婦
相違二十年已不相識聞兄亡哭曰吾固疑吾兄之
死也初氏之葬伯氏也旣祖奠而嫂病病中忽爲伯
氏語曰吾無能使弟婦傭於人已爲非夫又以棺故
累弟婦稱貸再爲人傭鬼將不齒人傳吾弟死未也
今在吉林矣吾將往尋之歸爲我作一代步勿誤也
家人疑爲譎語旣而言愈切聲愈厲似非妄者乃爲
具赤色芻馬焚焉仲旣歸因面述之仲曰噫其信累
年落拓空乏羞歸故里今歲至吉林七月後每夜夢

兄促歸繼之以怒晝寢亦然神魂震動欲不歸不得途次又夢兄赤馬導前或日暮昏黑則恍惚見之吾固疑吾兄之死也今果然矣則又哭仲至之前夕氏與嫂同夢伯氏乘馬來且告曰弟自吉林歸矣今夜某所宿至以明日酉時弟來吾事已畢不復求矣仲果以翼日酉刻至問前夕宿所亦殊不差氏居馮家

哨

趙氏庠生鳴玉女弟副貢生鳴羣女兄也父蓬萊以名宿教授鄉里氏幼聞緒論婉婉聽從年二十一歸徐各莊劉煉踰年夫卒未葬輒凶服歸甯舉家環泣而

永平府志

卷七十

列女下

十

氏獨惘惘無語父察其異泣語呼曰遺腹可待氏涕淚受命踰月果生男時娣姒適有生子者氏佯曰吾兒卽若兒設妾有不幸兒不患無母矣家人以白其父父遽往呼之曰兒果欲死耶死易撫孤難亡人止此一塊肉奈何氏大慟曰謹聽父言煉故出繼繼父早卒氏事寡姑撫幼子操作倍常本生舅有疾飲食湯藥左右侍絕不以出繼自異族女有寡者氏誨之曰務勤苦苦則不妄思嗚呼此敬姜之論也是氏之專一貞靜非獨天性實得之學問焉年四十九卒大城徐桂堂教諭爲表其墓

節婦王氏灤州廩生王化成次女邑舉人史夢蘭之母也性寬厚嚴明遇事有體十七歲歸史紀瑞奉舅姑接娣姒皆盡禮尤能得兩姑歡心二十二歲子蘭生六閱月而夫亡氏銜痛上慰高堂下撫藐孤佐理門內事纖悉胥當而於子教之尤嚴蘭始能言偶外出聞村童相詈語不知其非入輒施之婢僕氏聞之變色叱問此語從何來立批其頰者三淚隨聲下蘭自是終不敢以穢語加人稍長使就傳防閑愈密蘭惴惴常以讀書勤惰卜母色欣戚鄉舉後屢試不第或勸之謁選人適以史館議敘應得山左朝城令蘭欲

往氏諭之曰人生窮達有命汝幸承先業衣食麤足但得母子常相歡聚終吾餘年勝仕宦多矣蘭遂棄而不就同治辛未年八十是歲元孫生親友欲集優稱觴蘭乘閒以請斥之曰汝以此爲孝乎抑以吾必藉此爲榮乎人子之盡孝自有所在何事浮文爲蘭遂不敢復請其恬淡深識類如此道光二十二年以節孝得 旌同治十年又以五世同堂得 旌光緒三年知府游智開率屬介壽年八十七歲無疾而終楊氏燒家嶺陳九鼎妻也七歲失怙母改嫁氏寄居外家母歸甯氏不與言于歸後二十九歲而寡遺三女

繼姑在堂夫異母弟尙幼姑愛子而虐婦命之改嫁
氏曰吾母之改嫁也幼以爲恥今有死耳命之食糠
取野菜糝而啖之七月不厭命之自炊家有百畝田
與之四畝氏率女紡績女以次適人家計仍有贏餘
後夫弟蕩盡田產餬口他方姑目盲寄食族中氏勸
之歸曰吾何顏見吾婦矣氏乃時以甘旨給之繼族
子承夫嗣及長亦遠出不歸氏子然一身恐老病須
人朝夕誦觀音經求速死爲幸道光十一年冬大雪
比戶擁雪數尺門不得啟氏前後門尙不及寸人以
爲節孝所致云

甯氏舉人李篋妻也年未四十篋亡遺二子素無恆產
使二子讀書以十指供脩脯有語以謀生爲亟者氏
曰若使李氏書香斷絕死難與亡人同穴窮餓命也
未幾長子綬曾入泮游幕奉天旋亡於外氏教次子
綬元課益嚴意彌篤夫從叔善滋以詩慰之云爲計
書香不計貧家徒壁立釜生塵皇天有眼終憐汝歷
盡冰霜定見春又云丸熊畫荻事重新孤苦眞堪泣
鬼神到底此心堅似鐵未亡可對已亡人

薛漢臣妻李氏薛家莊人也娣姒四人氏居長年二十
七而寡遺一女矢志守貞事翁姑惟謹析爨後南北

異居姑不願往來就養溫清之事氏遂獨任之姑沒時年已九十餘矣後氏目疾失明動履維艱人咸謂天之報施有爽也至七十二歲忽不藥而愈雖雲翳禾盡而雙瞳炯炯有光初目疾之前二年患耳疽甚劇氣已絕矣家人環哭久之復醒自言至一大殿有神冠而坐顏色和霽曰汝不宜死命二童子送還人於是歎息曰是之謂神道是之謂天道女適連北店鄒某夫外出歲久不歸女食貧事親恪守母教亦能無忝所生云

楊氏鞏各莊人五歲喪母父以家貧攜其兄餬口關外

永平府志

卷七十

列女下

十二

送氏依外家十二歲外祖母死又依其母姨未幾母姨亦死當是時氏孑然一身偃偃無所之裴家莊李姓者氏之夫家也憐其孤苦遂改爲童養婦時翁已早死家計復窘壻亦謀食千里外姑不能守改適某姓氏隨之去至則視若婢虐之氏不能堪仍回母家瑩瑩弱女難以獨處因寄疎族廡下十九歲父兄自外歸兄已娶婦乃歸父舍二十五歲兄忽自遠方攜李氏子來時李已無廬舍合鬻於夫之姑家甫一月夫又外出遂無耗不得已仍歸依兄嫂勤苦拮据一切家計皆氏爲經紀姪男女輩亦視之如慈母焉如

此者二十餘年同治丁卯秋氏病自知不起呼兄坐於枕旁謂之曰妹流離半生依兄廿載實爲世上第一苦人今且死死不足惜然於此死目不瞑矣兄曰然則奈何曰歸李氏死耳但李氏無尺寸土又無親族奈何兄曰然且爲奈何因相向泣李有遠族名樹忠者氏之諸子行也聞之慨然曰是不歡有我在以安車迎於其家遂卒

董貞女孫家莊人年十二父桂林卒女哀毀過人與母瑩瑩相依矢志不嫁有求婚者向母泣曰母無子族中又無可繼女謂他人母誰奉母者願終事焉遂卻

媒妁去母屢勸之不從後亦不忍強也女性剛有力紡織外沙田數畝耕穫皆出其手門限極嚴閒有男子闌入者必叱出之五十一歲母亡罄所蓄以殮所餘止破屋數椽瘠田一畝杏樹五株而已因無力庀葬具姑殯之窗外親封以泥雖霖雨屋敗無所容身未嘗舍母匱他宿居恆以刀自衛夜則置之枕下一日鄰婦偶至其室見女流泣問故則曰亡人以入土爲安吾悲無力葬親耳勸之求助女愀然曰婦女不可輕受人惠况送死兒女事豈宜干人同治十二年鄉之好義者釀金贖之邑紳上其事於郡守書額賜

之並歲給銀帛且爲之請於大府 旌焉光緒三年
卒邑之孝廉方正石奉元代請立碑知府游智開躬
拜其墓

王氏高各莊高錫華妻也嫁未數年而夫亡屬纊時婦
命人取所寄衣飾於母家因恩迫未遽應婦趣之且
顧其妣曰吾已飲酖矣妣大驚相持哭家人環集亟
飲以藥婦曰我甘與同死死乃得所救我是害我也
且我無子女累高堂奉侍有人我目瞑矣須臾氣絕
董氏藍坨人年十七適朱仲信信故業農薄田二十畝
不能自給因棄農而商體素羸娶年餘而病病危謂

婦曰我病必不可爲家貧無子汝又年少守恐不能
終且天下固多再醮者可早自爲計婦泣曰是何言
儻有不測聽吾命以盡吾心不則死耳他非所知也
信死旣葬婦以繼子屢促其姑遂以其兄子嗣焉紡
績供讀督甚嚴曰句與家人談而坐有諷之者曰家
貧子幼年少人守恐不能終彼天下固多再醮者不
如早自爲計婦大驚急起避之後攜其子歸甯入夜
其父謂之曰家貧子幼汝太年少守恐不能終天下
固多再醮者何不早自爲計婦哭曰此兒命也命旣
薄違之不祥父勿復言居頃之驀有鄰姥來與婦刺

刺語漸及家事歎曰家貧子幼汝正年少守恐不能終天下固多再醮者幸早自爲計婦大怒曰汝速去是何言而愍置余耳也不速去余將詈汝姥慚而逸乃卽日攜兒還不數日見家人竊竊集語婦至則寂然以目相視而散乃使兒市冥楮香燭攜兒哭於夫墓曰吾計決矣一慟幾絕兒扶曳歸是夜嚴妝服溲死時同治五年三月某日年纔二十有二而竟死君子於是乎謂其得死所也

韓氏營壕莊人少聰穎曉大義年十七歸琵琶河井興

源入門後夫婦靜好又勤於婦工機杼聲每至午夜

永平府志

卷七十

列女下

十六

或勸少休則曰一家數口尊嬋老邁弟妹弱小家又無中人產作苦者非吾而誰由是人共賢之同治癸亥大疫時夫習梓人業應役於湯家河距家四十里忽染病甚劇主人命駕送還至中途而氣絕時六月二十三日也送者觸熱遄行於午後至其家先是一日婦夜寢夢夫蒙血衣顏色慘淡立榻前曰汝善事我父母我往矣未及答欻然而沒婦驚醒呼姑以夢告姑慰之曰妖夢何憑然婦終怏怏至曉不寐及聞門外人聲嘈雜急趨出視適與送屍者相值一慟幾絕曰夫主也主死吾何生勸者曰汝翁姑年邁子死

父母之肝腸斷矣汝又如是是重益汝翁姑悲也不
可婦卽時拭淚起理喪事旣葬姑恐其死常伴而防
之及秋禾稼登場婦乘姑外出遂投門外池中死覓
得其屍上下衣縫紝甚固時八月二十一日也年二
十八計自夫亡甫兩月

嵩林莊劉漢者兄弟三人漢居長仲名清季名純漢初
娶某氏早亡遺孤四歲名有經繼娶王氏而漢亡王
氏上奉翁姑中佐夫弟下撫前子勤勞倍至迨子長
爲娶婦徐氏而子沒夫弟清妻又亡遺一子姑亦旋
沒鰥寡重疊出於一門親鄰無不歎惋焉子婦徐亦

永平府志

卷七十

列女下

十七

賢姑媳親同母女紡績辛勤若自忘其爲孤寡也者
嘉慶壬申大饑中戶以下多至流離戚黨某憶其孤
苦恐饑寒死往省之入門見老翁坐堂上方飲酒盤
有兼味爲歎息而去純娶楊氏尋又亡遺孤幼撫養
之勞亦其姑婦親任之

李烈婦許氏夫名鶴林西園方伯五世孫也其弟以家
貧隸營咸豐壬子調兵勦粵匪弟與焉父母以弟癡
而兄慧欲以兄代而難於言鶴知之請往父喜爲治
裝將發謂氏曰人在世上惟恐虛生此行勝則可立
功名不勝亦得死所卿其善事父母氏曰行矣二老

壯盛盤匱滫瀡妾分內事何勞屬因與珍重而別次年七月氏居母家方臨窗刺繡忽垂髻女奔入曰姊姊我姊丈死矣人謂死連鎮氏驚泣移時歸候翁姑聞信確夜遂投繯時年十七廩生許守仁女也

魏氏廬家河王珍妻也初珍父生二子而復納妾遂屏絕正妻及子以故其妻攜二子居母家迨氏于歸翁妾已生三子矣溺愛不明珍事父雖殷而時遭鞭楚因窘而自縊而氏之奉翁姑也仍恪謹無失禮有時痛夫非命向隅而泣一聞堂上之呼卽急拭淚痕怡聲以應姑目盲飲食衣服皆親自檢點蓋三十餘年

永平府志

卷七十

列女下

十八

如一日也後翁亦愧悔一家稱雍睦焉

李尙清妻劉氏劉敬之長女也尙清病膝風拳曲不能伸其父欲退親敬夫婦亦願之氏向母泣曰受聘後受病此吾命也若吾有疾而彼棄之可乎許嫁而改嫁人其謂我何父母感其言遂聽之二十三歲于歸飲器厠牖皆親自捧持踰二年村人見白氣如虹射入院中須臾生子皆賀曰賢婦生佳兒矣踰二年又生一子夫亡時年二十九舅姑俱衰家貧甚惟以紡織作生活長子名智及長能致富以養儻所謂否極泰來時也世居李家莊里人皆稱道之

太僕坨陸聯珠妻石氏黑厓子社人夫病廢不能動履
溺便須人氏晝夜扶將延醫調治迄無痊可年餘其
姑又抱痼疾須人之狀一如其夫當是時翁早沒家
無儋石旁無伯仲下無子女氏以紡績供饘粥藥餌
之費井曰炊爨皆親操之復以一身周旋兩病者閒
潔污滌穢夜以繼日勞瘁之况有人生所不能堪者
而數十載處之怡然後姑與夫沒繼族子爲嗣年七
十餘無疾終

王澤庶妻葛氏生而靜默寡言笑祖攀斗諸生氏幼時
聞講女誠諸書卽知斂容靜聽及笄適澤庶合卺十

八日而夫亡氏誓以身殉不食者數日已忽念翁姑
在堂泫然曰二老暮年待養而吾以死塞責何以見
亡夫於地下強起飲食以婦代子時生計甚艱以織
紵供甘旨始終不懈道光元年卒年七十

于氏嵐泉堡李上達妻也兄弟五人達居長氏于歸後
恪執婦道翁姑及羣從衣履悉出其手及娣次第歸
以身率之和睦無閒言後因家貧析爨處之一如同
居時而家業亦日以豐咸豐三年卒壽一百有一歲
生前有以例應請旌進言者氏曰吾事舅姑相夫子
數十年閒未敢或肆茲乃二子二孫俱亡其一慘膺

天罰必有闕孝敬所至何旌爲勿再言增吾愧迄今子孫勤儉謹飭猶遵其教不衰焉

柳起新妻石氏二十三歲夫亡遺子英方二歲日夜紡織以供堂上甘旨教子綦嚴生平未嘗假以辭色十二歲使就外傳每歸必使陳說古來忠孝節義之事氏轉持以語人至可感處必泣涕以道後子累於家務遂命孫柏年讀嘗謂之曰汝再不成名負吾苦心矣年七十三無疾而終時柏年已入邑庠後舉甲子

孝廉

劉姓女親迎有日矣夫以疾卒女聞欲奔喪父母止之

永平府志

卷七十

列女下

二十一

欲往弔母許與偕女華妝行至喪所從容展拜次及舅姑拜訖索衰經易以入幕執婦禮哭盡哀遂止夫家母強之歸舅姑亦以未合昏故婉諭之女泫然曰兒柩前四拜非交拜禮乎舅姑在前非三朝贄見禮乎禮已成分已定兒將安歸耶况百年偕老誰不願之今若此命也眾莫能屈任之及夫葬遂不食死

高寄

泉蝶階
外史

陰拔澡妻劉氏雙廟莊人年十八歸陰性孝謹不輕言笑能得舅姑歡後振澡與兄振潛皆幕游於外氏無子所生三女皆相繼天振澡在外納妾王氏久不歸

家貧宅空形影相弔然絕無怨言撫夫兄次子爲子
愛憐逾於所生凡筆墨束修之費俱出於十指積勞
得咯血疾猶操作不息每夜雞三唱燈火猶熒然也
及病劇屬子自塾早歸子來見血殷牀褥右手執所
讀書撫之已僵時年五十四

崔遇昌妻李氏嫁二年而寡紡織自力事舅姑以孝聞
無子立夫弟長子文林爲嗣未幾文林又亡復爲婦
張氏立嗣後與夫弟析產取祖遺薄田百畝分而爲七
緣夫弟有子六人欲令各贍所用也則又微氏之意
不及此云

李萱妻董氏夫亡遺一女守志奉姑曲盡孝道因家貧
遂迎其姑於母家氏弟敏素好義代姊奉養無缺禮
後氏女適閣樓坨劉姓敏女適王嵩皆早寡二女誼
同姊妹皆取給於敏家敏調濟三節婦始終無倦敏
誠尚義也哉

蕭柏年妻李氏于歸三年而夫亡無子事翁姑以孝聞
繼夫姪國魁爲嗣娶婦徐氏閱七年而國魁又亡氏
時年二十四遺孤士林甫三歲婦事姑如母兩世孤
孀相依爲命後士林補郡庠姑年七十七無疾而終
婦見年七十三同治五年同 旌

張廣生妻程氏結褵後夫偶外出爲仇家所戕踉蹌至家已口不能言惟索紙畫刀形於上付氏手而絕報官不得主名嚴訪未獲事隨寢氏痛夫死於非命欲自殉屢經家人勸止時年二十有二一女甫離襁褓遂毀容矢志勉撫孤女奉姑尤曲盡孝道初終無怠見年六十餘族黨無不稱之

李勤妻張氏年十九于歸二十一歲而寡無子女初勤出嗣於叔某勤亡氏仍依本生翁姑而居三十餘年執婦功不怠翁姑歿後夫弟豪亦無子因繼從弟欣之長子成玉兼祧年六十六而卒守節四十五年同

永平府志

卷七十

列女下

二十一

治年 旌

陰成之妻安氏年十七于歸壺範素嫻翁姑頗重視之夫踰年卒哀哭之餘惟以慰翁姑爲亟後姑歿翁繼娶某氏係再醮年尙少氏事之必以禮姑旋生子名習之氏父母慮氏之孤也又以幼女妻習之亦冀其奉寡嫂耳習之長事嫂惟謹及翁歿凡家大小政無不與嫂商之妹旣嫁伉儷甚篤惟姑閒有詬誶語姊妹亦無怨言數年習之又卒姊妹同孀形影相弔其孤苦有不可名言者無何姑有更適意姊妹幾諫姑不從且潛將田產衣物盡鬻於人不得已遂歸依母

家以居厥後姑果他適姊妹遂於母家置屋繼族子而兩承焉子名尙清諸生庭槐之次男也甫數歲氏保抱攜持至於成立餬口之資惟鍼黹是賴今姊已歿妹亦六十餘矣

陰炯妻張氏年二十三夫亡矢志守節善事翁姑撫夫從弟子士傑爲嗣愛如己出年十八又天婦吳氏年甫二十守節一如其姑姑卒年七十一婦見年亦七十餘矣

趙純妻李氏年二十六夫亡家貧無子善事翁姑夫從子七歲失恃氏撫爲己子教養兼至子亦能得母歡

永平府志

卷七十

列女下

二十三

心孫名恩年十五母歿時值嚴冬寢食於柩下人謂子孝孫孝皆氏之孝行所感云見年六十六歲

張金甌妻武氏年十九于歸夫年十五時方患病合卺後卽異室而居未幾夫歿氏矢志守節善事舅姑姑病廢轉側需人兩叔尙幼一切衣履縫紉之事皆氏一人任之年五十九無疾而終至今賢孝之聲鄉里猶稱道弗衰云

薛漢興妻曹氏漢興漢臣仲弟也漢臣妻李氏已有傳曹年二十六而寡無所出其娣漢屏妻鄒氏生二子年三十五亦寡李與曹俱撫其子爲嗣娣姒三人皆

有賢聲

郭俊妻葛氏年二十夫亡無子女有夫弟二叔以年少亡其妻姚氏年甫十八與氏同貞苦節並繼仲之子爲嗣上事翁姑下撫嗣子翁姑歿後家益貧娣似紡績度日茹檠自甘葛年七十八卒姚年七十五卒吳心一妻劉氏年二十于歸甫八月夫亡時家業貧寒氏晝夜紡績撫夫弟三人恩同鞠育繼夫姪如柏爲嗣視如己出未幾如柏亦歿婦陰氏年方二十二遺一子上事孀姑下撫幼子孝慈兼至姑年七十二卒婦見年亦七十餘

永平府志

卷七十

列女下

二十四

苗有年妻張氏年十五歸苗十七歲夫亡子女俱無時祖姑及姑皆在堂三世孀居形影相弔氏曲意孝養胥得堂上歡後繼夫族姪爲嗣計守節六十四年見年八十一歲

才金卓妻蕭氏年二十二夫亡遺孤甫五月家止薄田三畝土屋數椽氏苦節自貞紡績度日撫孤成立至十五歲爲之娶婦迨二十七歲又亡婦董氏時年二十九子女俱無與姑共以義命自安同貞苦節婦事姑尤謹雖藜藿不充而堂上甘旨無缺姑見年七十有七婦見年五十有八

李廉士妻邢氏年十八于歸未期年夫亡先是氏翁名文魁早失怙賴母劉氏節守撫以成立年幾五旬艱於嗣納妾吳氏生廉士逾數月而文魁亡吳與嫡安氏矢志堅貞相依爲命撫孤至十三歲娶邢而廉士旋夭兩母痛不欲生邢輟泣告曰母勿爾子歿而媳存儻邀天之幸俾不早死獨不可侍母老耶且母能養祖姑以壽終媳獨不能耶乃並銜痛治喪未幾嫡病逝邢與吳哀毀逾禮世遺薄田五十畝託族之長厚者爲招佃收租苦無多人姑媳惟閉門日勤紡績雖族鄰亦罕見其面婦孝姑慈情逾母女其祖姑劉

永平府志

卷七十

列女下

二十五

氏年八十一卒吳見年七十有五邢見年五十有五庠生李符妻倪氏年十九夫亡繼夫從子砥柱承嗣砥柱游庠食餼甫踰冠竟以疾卒時婦姚氏年始二十五遺孤在抱誓不他適兩世冰霜人謂不愧清白傳家云姑卒年七十婦見年七十一同治年 旌

鄭連盛妻韓氏于歸後姑臥病年餘氏竭力奉養致成瘠瘵然終無怠意年二十九夫歿幸有遺腹子撫之成立授室後又以暴疾亡媳亦尋卒子然一身形影相弔同治六年陰雨兼旬所居破屋半閒頽然傾圮而氏竟無恙人咸謂節孝所感晚年得手足拘攣證

以肘代踵匍匐就爨猶不時斷炊其所遇亦良酷矣
年八十有二卒光緒元年 旌

蔣松齡妻黃氏年二十六夫亡氏矢志守貞撫孤成立
娶婦李氏亦孝謹未幾子又歿婦年甫二十一與姑
共勵冰操一門雙節里黨稱之

安純曾妻任氏年二十四夫亡遺孤甫三歲未幾翁又
近是時家徒四壁氏奉姑教子孝慈兼盡及子娶未
久又夭婦李氏年始二十氏上事衰姑下撫寡媳拮
据萬狀恆日不舉火及姑歿欲繼曾孫承重而近族
無可繼之人氏時年六十餘同寡媳負土營葬見者

永平府志

卷七十

列女下

二十六

皆垂涕焉

高尙賢妻楊氏年十七于歸踰年而夫亡尙賢出繼於
從父某家業蕭條翁姑俱歿氏仍回本支居本支翁
商於外姑失明氏出入扶持姑倚之如左右手後翁
歸囊空如洗氏以紡織謀菽水奉咸豐七年翁病故
先是尙賢出繼後胞弟某未娶而夭其本生父反無
嗣因繼其叔子尙仁爲嗣及翁歿氏與夫弟尙仁擗
擋喪葬盡哀盡禮同治七年姑又歿竭力營葬一如
翁歿時鄉黨翕然以節孝稱之

王煜之妻才氏夫弟耀之妻張氏娣姒雍睦無勃谿聲

煜之兄弟相繼歿均無子女築婁共矢堅貞茹苦如
飴後兩支同繼一姪爲嗣撫如已出守節三十餘年
劉及第妻李氏年十九于歸甫八月餘夫病歿氏貌不
甚戚但悵悵如有所失鄰婦謂爾夫亡何若無憂耶
氏曰吾之不敢過哀者恐傷二老心耳吾豈木偶也
哉越數年翁姑相繼歿其夫兄某無恆業家亦無恆
產氏歸甯時有諷以改適者氏曰亡夫病篤時亦作
此語我已心許其無他矣遂歸時夫兄貨其所居遷
居村外無怨言人有憫其瑩獨者氏曰未亡人有姒
氏相依何瑩獨之有未幾姒病氏晝夜扶持如事其

姑迨姒歿遺女姪二俱幼氏撫如已出復家益窘恆
斷炊乃紡織以給因過勞得常嗽疾人有勸其少息
者氏曰二女姪已長成家且貧伊父又無恆業我若
憚勞女姪匱貨何出言已輒泣聞者皆酸鼻焉
馬好學妻姚氏年二十五夫亡子女皆無氏慟而絕者
數次夫葬遂收涕和顏事翁姑如平日其翁謀食於
外夫弟方齠齡氏饗飧不給恆以鍼黹所獲爲姑備
甘旨夫服闋姑謂之曰家貧如此若何以守氏泣而
對曰設非雙親在堂小郎年幼兒久非世間人矣願
母無憂兒不知貧也未幾姑目失明舅復患瘍臥牀

蓐氏扶持二老勤勞備至弟婦生子名際昌甫五歲卽撫爲己子後家道日豐而勤儉如故夫弟及其子欲爲請旌氏曰人生有命各宜盡所當爲吾不知何爲名節胡以旌爲如若所言吾豈幸其命之蹇以邀名於後乎再三言之不許年七十七無疾而終

姚廣利妻孫氏舉人國文之祖母舉人書楷之曾祖母也年二十四夫亡維時家徒四壁又無期功強近之親氏孑然獨處撫五歲孤凡衣食所需均出十指力夜膏火不給恆自績月下如是者幾三十年迨子繼忠成立勸以勤儉而家道稍裕氏每以家無讀書子爲恨孫三人均令就外傳讀至年近七旬井曰雖不待躬操而柴米瑣屑之事必親自檢點厥後長孫國華入泮氏猶得親見之年七十三而卒至今子孫繩繩科名相繼皆氏苦節之報云

李

名失

妻安氏夫亡繼子承嗣守節約十年餘而故其

妾某氏亦守節勸之改適者甚眾氏曰吾幼作婢長爲人妾今又作再醮婦吾不爲也後一孀婦勸之氏曰汝何不再醮孀婦無以應旁觀者曰汝非某可比伊有子奉養且沒後可與夫合葬汝則葬之荒野雖守無名氏曰吾亦行其所安餘非所計也

趙永興妻唐氏年二十五夫亡無子氏矢志靡它繼夫姪俊爲嗣撫之成立娶侯氏不數年俊歿侯時年二十九遺孤在抱氏孝事孀姑慈撫幼子艱苦備嘗及娶孟氏婦性頗溫婉人皆謂兩世苦節今而後可以復興矣未幾而孫又殤一門三節共勵貞操吁亦酷矣

廩貢生廣東石橋場大使甯椿年繼室王氏河南上蔡監生永貴女也年十九于歸隨夫任所撫前室子元璐與己子元琛無歧視年二十六夫卒於官氏矢志守節率二子扶襯旋里營葬後宦橐如洗氏躬勤操

永平府志

卷七十

列女下

二十九

作持家教子備極艱苦旣而元璐入泮元琛授從九品職皆氏之力年七十八卒次子元琛妻李氏另有傳

李守誠妻倪氏歲貢生炆之長女也幼習庭訓知書識字並解大意于歸甫二載夫以溺水亡氏哀哭盡禮而斷之以義惟恐以過慟傷兩家父母心逾七月舉一遺腹子孩提卽時加訓誡不使少恃恩稍長親授讀至十餘歲始令出就外傳而已佐姑理家政內外悉井井有條後以羸疾卒子敬修補郡增廣生亦能恪遵母訓恂恂稱善士焉道光二十七年 旌

楊允中妻李氏年二十九而寡生子三女一時祖翁姑及翁姑俱在堂氏奉養惟謹頗得親心子讀書督責甚嚴長子在汶領鄉薦官司訓次在淇補邑增生皆母教爲多平生寡言笑崇節儉終身紡績不輟暇時輒誦觀音經咒與人談因果待人無疾言遽色不較是非戚里稱賢人焉其子嘗欲爲之顰請旌表氏聞而止之曰婦人從一而終乃本分事且天下苦節多矣吾尚有子三得奉養足矣何旌焉

孫翰妻李氏年二十夫亡無子姑患癰疽不能動履氏扶持奉養十一年無怠色繼夫從子承嗣撫之成立

永平府志

卷七十

列女下

三十

雍正十一年 旌

劉繼瑞妻石氏小字亭姑年十七于歸二十一歲夫故無子夫病篤時目注於氏氏會意曰之死靡他夫目遂瞑家貧甚而婦道曲盡翁姑皆利其改適常待以不堪氏終無他志其父招之歸令姑姊輩勸其改適憤怒而歸遂抑鬱得疾卒時年四十有二

甯永照妻劉氏二十八歲時夫出關懋遷遂落拓不歸時其祖舅姑及舅姑皆在堂家尤褊貧菽水之奉氏身任之椎髻敝衣日操井日雖饑饉之年而堂上甘旨無缺厥後疊遭喪葬大故亦哀禮兼盡當夫之遠

出也遺一幼女嫁時匳資皆出十指力終身無戚色
無怨言姑每思子必婉言慰之姑嘗破涕爲笑雖其
夫存亡莫卜而至孝艱貞與苦節無異宗族鄉黨翕
然稱其賢孝焉

從九品甯元琛妻李氏邑孝廉方正善滋女也年十九
歸琛性孝謹好善能博孀姑歡女紅稍暇則製字紙
斗命家人徧挂衢巷閒姑問之答曰兒聞之父母我
家累世科第皆由敬惜字紙中來兒故奉行不倦冀
子孫紹書香也姑曰善此不特行善卽行孝亦在乎
是夫孝豈奉養虛文哉善繼述乃眞孝也汝承先人
遺訓力行不倦天必福汝汝其勉之時氏已中年尙
乏嗣後年逾四十果舉一男天之報施善人固不爽
哉而姑節婦孝尤有足風者焉

陳肇先妻潘氏夫賈於外病卒還葬後窆甚姑令其改
適氏不答後值夫忌辰翁姑攜冥鏹往哭其子於墓
氏詭言不快弗與偕遂闔戶自經時年二十有四
張存富側室井氏年十六歸張時張母在堂捧匜奉盥
曲意承歡而事嫡亦有禮中閨雍睦無勃溪聲光緒
二年存富歿視含斂後卽乘閒自縊以殉時年二十
四歲也先是其翁大用歿姑張方二十七歲勵節撫

孤至氏殉節人皆歎爲節烈之門

庠生闞綏猷妻陳氏嫺內則篤婦道相夫裕後懋著壺
儀年百歲子七人俱列鄉國學孫十四人遊泮璧者
五曾孫十五人元孫一人乾隆十五年 旌云雙貴
石國成妻陳氏國成繼族祖爲後未幾病故時氏方二
十四歲父欲嫁之氏以死自誓遂不復歸甯祖翁慮
其年幼立志不堅因窘其柴米以覘之氏往哭夫墓
歸遂飲溲適鄰婦至見其臥起不安疑其爲火疾也
飼以瓜片甫入口溲盡吐始知其果以死守也由是
祖翁感慚不復奪其志氏亦孝敬不衰年九十六卒

永平府志

卷七十

列女下

三十一

子汝珏亦以孝聞年七十餘猶依依孺慕焉嘉慶二
十二年 旌

庠生李鎮妻徐氏增生輪之嗣子婦也輪亡妻李氏守
節於雍正十年題 旌鎮亦早卒無子氏矢志守貞
繼夫從子如松爲嗣兩世皆以節著里人稱之

楊德澤妻吳氏年二十夫亡無子繼夫姪文基爲嗣撫
之成立爲娶婦吳氏卽氏之女姪也至二十一而文
基亡以夫堂姪奉時爲嗣教子游泮姑卒年六十媳
卒年八十人謂松柏雙貞

張應贊妻趙氏年二十一夫亡遺孤方二歲有富豪欲

奪而娶之氏以死自誓孝事孀姑教子成立未幾子
又亡撫三歲孫艱苦食貧終身無閒年八十一卒
庠生姚起陶妻張氏年二十六夫亡遺子二家貧無以
爲生自勤紡績課子讀書少倦卽笞責加之二子俱
補弟子員事舅姑以孝待妯娌以和爲鄉里所重
張宣妻趙氏年二十夫亡娣張維妻劉氏年十九夫亡
兩孀同撫一孤共勤紡織以事孀姑姑歿殯葬如禮
趙至八十餘歲卒劉至六十五歲卒

黃冠英妻劉氏年二十二夫亡無子卽以死自矢因上
有病翁又鮮兄弟姑留身以奉養越一載翁歿遂仰

永平府志

卷七十

列女下

三十三

藥自盡

以上樂亭

明

庠生張翹妻楊氏舉人重立子婦也年二十翹亡時孀姑在堂遺孤僅四歲不辭貧窶孝姑教子始終如一庠生蕭行遠繼妻孫氏年二十歸蕭克盡婦道因夫無嗣脫珥置媵未育夫亡伶仃無倚守節四十餘年張氏千戶女爲李百戶長男昇之婦昇之病歿無子氏晨夕哀慟見者感動舅姑強之嫁七日自縊死

龍昇有聘婦同里女也年十九未婚而昇亡女聞之不食不言惟面壁哭久之有問名者輒拒父母命強之則復不食哭而誓以死無奈何聽焉居恆則婉婉聽

永平府志

卷七十

列女下

三十四

從能博二人歡寢席之溫清衣服之污澣曰於我乎任族叔有遺孤無所依曰於我乎養後年逾七旬脂膚鬢髮猶如二十許人里人咸嘖嘖稱道之其氏黃妙宣其名

一片石軍人趙來住女年十六未字鄰有同戍軍窺其父母不在潛往挑之以言女怒罵前批其頰母歸哭訴曰我爲女子尙未適人賊軍輒敢淫語謔我何生爲因欲自盡母防之嚴未得也旣三日給其母出遂闔戶縊母返彥門救之已無及矣郡守張公世烈爲之營葬樹碑置軍於法

郭氏都督張世忠妻壽官郭茂女也忠死事氏年二十九欲捐生戚屬以撫孤勸矢志二十餘年御史溫公如璋疏稱夫爲國死忠妻爲夫苦節昭哉雙義允矣可嘉特豎旌坊

庠生何志道妻郭氏年二十四夫亡上無舅姑下無子女父母憐其子處迎養之諷以改適女不可勸焉潸然泣強之乃佯曰卽如父母命亦須暫還何家父母喜從之至則痛哭竟曰曰天平命也拜何氏祖先自經死

蕭氏庠生張雲鶚妻庠生大壯女也鶚卒氏年二十有

永平府志

卷七十

列女下

三十五

六教子重立曰汝父及汝外祖皆讀書人此業不可墜也後重立登萬曆癸酉賢書又卒婦王氏幼子三人氏又與子婦撫育諸孫使之俱攻儒業焉

王氏女未詳何里人及笄未字母生子及女而寡而家可小康時明季流盜掠邊境將近鄉人皆棄家逃母與兄謀曰身命與家貲俱重守與逃兩不能保奈何女慨然曰兄宗嗣所關不可罹難請扶母遠避吾爲汝守賊至死之賊不至待汝歸不得已從之數日聞賊去偕母返女迎門笑曰賊已至巷口忽官兵驅之遁所守幸無失也旣矢志不嫁願終身事母沒後卽

葬於洞山王氏之墓西至今王氏子孫歲祀不衰
陳氏標兵馬如麒妻麒從鎮將追勦叛兵卸甲中風死
氏時年二十五子方四歲誓以身殉比麒柩至關北
門外氏卽廬居柩旁晝夜伏哭睫不交於目食不入
於口者三日姑攜孫撫氏背曰汝視此兒不仰面指
柩曰若非姑之子耶二十六歲尙不能終事姑此瑩
瑩者又何恃揮之不顧旣祖奠遂自經巡撫宋公國
棟使配享貞女祠

國朝

郭生姐許字於范彬彬之母女姑行也彬患必疾故遲

永平府志

卷七十

列女下

三二十六

之未娶家又驟落時斷炊女常以女紅助之逢令節
必有所饋遺又檢聘釵還之使之質錢人以爲不可
女曰吾旣以身許范氏矣此心已定何在釵之有無
卒與之後彬疾益劇姑不忍誤女終身使之改適以
書與之離婚生姐遂自經死時年二十有七

楊氏于應祥妻也夫亡子幼家又甚貧其母憐其少也
與姑議令改適氏不可曰夫天也天可有二乎及服
闋歸甯母又以爲言復執不從強之哭曰母也何不
諒兒心也反跪夫靈前大慟比暮闔戶自刎死郡守
張公朝琮旌曰巾幗完人

張氏常進文妻也夫亡遺兩孤時泰時興俱幼氏撫之成立授室時興先亡時泰繼之各遺一子而時泰婦王氏年二十九時興婦徐氏年二十三姑婦娣姒皆以義命自安一門之內誰誰肅肅焉論者謂沆瀣一氣芝蘭叢生在常氏爲不幸於一邑爲有光因上其事於郡守旌焉

喬氏詹寬妻年二十二夫亡遺子三歲女襁褓貧苦無依衣食常缺氏矢志彌堅惟憑女紅度日歷二十餘年終饑寒死

平烈女父自得年十八未字有趙某者其鄰也虎而冠

永平府志

卷七十

列女下

三十七

窺女美調之不從則以強暴加女有繼母素不相能復從中爲趙地女自度不免縫所衣衣袴上下密如織乘夜赴趙門首自經死時康熙三十六年夏五月也當事受趙賄欲誣女先已失節剖腹驗孕以肚爲胎衣竟寬趙罪士論冤之秦皇島爲封墓樹碑弔以詩歌勒諸石後復有郭三姐之事

三姐郭大福女也亦年十八未字其鄰王德成亦虎而冠者一日父母與兄俱他出日晡女菜於田王踵至挾女於松林中強逼之不從則力毆之不死則又於樹上縊殺之是夜風霾大雷電人以爲異學博宋瑛

署邑篆廉其實置王於重典後二女事聞於郡守張公朝琮兩旌之

熊氏施懷信妻年二十八夫亡有二子家赤貧長子邦佐旋亦病故偕子婦撫幼孫以迄成立性勤儉恥華飾舉動以禮處娣姒姻婭從容和厚卒年九十二乾隆四年旌

郭氏劉士賢妻也年二十九夫亡立志守節或謂其難因斷一指以自誓血溢昏絕良久始甦後有疾子琰刲股作羹以進病良已既而知之泣曰苦吾兒矣遂茹素終身

永平府志

卷七十

列女下

三十八

譚氏監生穆永清妻提督廷棻子婦也年二十四夫亡遺女二矢志守貞族人欲爲請旌氏曰舅姑遠宦南省未盡一日奉養眞天地閒罪人至守節乃未亡人本分何敢邀旌議遂寢

趙氏張彬繼妻也彬亡氏年二十九家四壁立遺孤方三月恩勤撫育艱苦萬狀有諷以改適者輒流泣曰婦無二天早宜從夫地下餓死奚恤况弱息在抱忍使謂他人父乎至五十五歲子已授室猶朝夕執女紅足未嘗踰閫也

范氏庠生宏楷女鄭鎔妻也年二十四夫沒無子止一

女親屬咸勸之改嫁氏以死誓久之姑得心疾狂走
叫呼人皆避不敢近氏侍疾三載無倦色既沒事翁
尤謹家雖貧委曲供奉能得其歡心翁沒五載氏邁
疾曰吾事已畢死可矣不藥而卒年三十有六

趙氏回馬寨庠生文淦女也幼許字王福升未婚而福
升亡時女年十六請於父母欲衰經往臨夫喪父母
堅不許然自是居家守貞誓不改聘性至孝父病焚
香籲天請代病愈復焚香謝以首觸地流血兩月餘
額上痕猶在父爲諸子講經史女靜聽皆默記弗忘
與諸弟言必舉古之孝弟事諸妹則教之女紅及女

永平府志

卷七十

列女下

三十九

訓家人皆敬畏之年五十餘卒

宋氏黃殿魁妻也咸豐二年年二十歸於黃事翁姑以
孝聞九年二月十七日黃以痼疾卒既殮殯於中庭
氏謂翁曰幼喪不宜居中宜偏左翁從之未解其預
爲已停柩地也次日母來私謂曰兒年少無子翁姑
奉事有人兒何生爲母驚慰之乃佯曰兒不過慟極
之言耳何至是十九日辰時乘閒自經於室午後戶
猶扃姑怪之喚之不應穴窗窺見氏背窗豎立兩足
空懸去榻尺有咫口噤齒擊兩股戰戰不能聲諦視
之有帛束頸上懸於梁乃仆地號曰救句救家人壞

牖入解之氣已絕矣是夜母在家夢女來怡然曰兒已死母勿過戚地下差樂不苦也

齊氏武進士任遊擊公之女也幼字李氏思恭爲妻六歲隨任江南二十二歲回籍于歸後生三子而思恭亡越年翁亦亡姑患寒疾氏籲天請代病稍愈而胃閉不思飲食氏作魚脫肉撰栗膽桃百計勸食而姑視天下物無一可下咽者氏素聞股肉可以已疾乃乘夜持廚刀入室袒左臂以刀擬肉暴風起外戶開闔有聲疑有人至惶遽中用力過猛刀深入下肉半斤許幾昏仆急敷以藥裂帛束之作羹以進姑嗅之香遂食盡病良愈他日姑問向羹是何肉之爲而馨香異常氏詭曰豬肉耳後刀口合痕大如盃陰雨時猶作癢痛見者皆咋舌歎息稱爲眞孝婦

程氏陸功駱繼室也二十一歲而嫁翁姑俱早世家赤貧合卺踰月夫赴瀋陽貿易越年夫在外病亡氏聞訃卽誓以身殉數日不食轉念夫柩未歸死亦無益乃強起集親族人典賣房屋親赴瀋迎柩歸營葬畢曰吾事畢矣仰藥死

郭氏李長春妻也年二十九而寡三子俱幼皆教之讀書舅姑繼沒卜兆營葬事事盡禮家有積逋簿錢幾

十萬氏一日檢冊歎曰吾家以忠厚爲本留此恐爲後人興訟地悉付之火長子士綱廩生仲士維太學生季士紀庠生長孫育德登賢書曾孫允培補博士弟子氏皆親見之卒年八十有五士紀妻陳氏年二十九而寡撫孤成立壽亦躋八十
庠生劉天德妻唐氏年二十八夫亡已無所出妾聶氏年二十二生子甫三月氏與聶矢志撫孤賴女紅以資薪水備厯艱苦孤至十八歲又亡乃繼夫從子爲嗣守貞之志彌堅

傅尚卿妻張氏年二十四夫亡子幼矢節撫孤及長又

永平府志

卷七十

列女下

四十一

亡遺兩孫教之遊庠曾孫亦入泮甘貧完節五十餘年知府張朝琮旌之

王應新妻張氏年二十七夫亡遺兩幼孤撫育成立仲子加士娶婦郭氏年二十三加士亡遺孫三歲氏與媳相依苦節始終無閒知府張朝琮旌曰一門雙節羅名世妻王氏羅兩世同居舅姑叔嬭在堂家素寒名世謀食他鄉率數載一歸氏傾妝資以供甘旨及姑嬭歿舅叔咸繼娶厯事四姑恪執婦道年二十八夫客死時舅已老三子均幼穉而家愈貧氏常忍飢寒力勤紡績以衣食其舅若子後子仲瑄爲庠生氏年

八十有八卒知府張朝琮旌其門

監生羅鴻儒妻宋氏年二十九夫亡子國珍僅三月撫養成立旋歿子婦傅氏年二十六苦志共守傅氏生子三長綏遊庠知府張朝琮旌其門

郝壞妻蔣氏年二十四夫亡氏矢志不渝孝事翁姑撫三子孟熊仲熊季熊皆成立婚娶季熊年二十四亦歿妻楊氏無子以夫從子瀾爲嗣孝事孀姑里黨稱雙節焉

庠生穆宗霽妻謝氏年二十六夫亡遺孤甫二歲苦節獨勵教子開琛遊庠食餼上事舅姑族黨稱孝督學

永平府志

卷七十

列女下

四十一

使者錢公陳羣旌其門娶婦魏氏年二十六而琛歿生子未及一月魏誓不欲生族眾以事孀姑乳幼子爲勸乃勉自活未一載而子殤氏晝夜悲啼篤孝孀姑守節凡十五載年四十而卒

李時秀妻涂氏年二十七夫亡遺一子紡績教養及長授室子出關貿易遂不復歸氏與其婦以女紅度日艱苦萬狀聞者哀之

閔梅之妻向氏年二十二夫亡舅姑衰老遺孤僅一歲氏親執女紅度日養生送死克盡其道子長授室旋亦亡與子婦周氏荼苦共守

李宗堯妻郭氏年二十二夫亡子永密娶婦賁氏至二十六歲而永密亦亡遺一子尚幼姑媳共勵貞操郭年七十卒賁年六十五卒

喬世昌側室劉氏年二十二夫亡嫡張氏無出氏子步雲僅二歲氏矢志守節事嫡惟謹治家有法訓子爲邑庠生

庠生張玉振妻李氏年二十八夫亡子女無出與夫弟玉瓚妻王氏一門雙節共矢柏舟撫嗣子元齡兼祧兩支道光十六年督學使者吳公文鎔以志懷冰霜霜筠勵節額並旌其閭

永平府志

卷七十

列女下

四十二

常正春妻董氏年二十七夫亡守節三十八年學憲武公題 旌曰志懷冰霜夫姪坦之妻楊氏年二十夫亡無子與氏共勵堅貞守節四十二年學憲吳公旌曰一門雙節

李瑞信妻劉氏年十五歸李時有姑在堂夫貿易於外氏事姑惟謹待眾以和生一子而孀時年方二十八歲也家徒四壁矢志守節以鍼黹佐兒讀稍長使就商謀生未幾而子又亡其媳亦貞靜性成從姑守節又二十餘年至同治三年而卒

高克方妻陳氏年二十八夫亡夫弟克端妻李氏年二

十九夫亡娣姒同心冰霜共勵翁病痰喘展轉牀蓐者數年姑因痛子喪明娣姒竭力孝養曲慰親心因無嗣共繼一子由三歲撫養成立以鍼黹供給讀書後翁八十九歲卒姑八十歲卒一門雙節人皆稱之監生郭錫年側室王氏年二十三夫亡無出與嫡張共勵貞操孝事衰姑姑徐年八十餘盲於目氏出入扶持始終無倦嫡生子女各一氏殷勤撫育凡嫡心力未到者氏體之無不周子女亦依依眷戀如慈母焉武進士劉佩珩側室陳氏年二十九夫故於貴定任所隨繼室高扶匱回籍途次高又歿時繼室子文典已

永平府志

卷七十

列女下

四十四

子文翰皆在襁褓氏撫育無歧視又兼資斧匱乏無力還鄉僑居三載苦况倍常幸降服子鳳書迎之旋里同治二年氏所生子武生鐵林病歿氏哭子過慟目幾喪明聞者皆憫其遇之蹇焉

郝鈞妻馬氏鈞因關門犯獲罪死於配所時氏年二十一一家貧無子矢志守節嗣子玉琛踰冠復亡姑媳紡績度日相依爲命如母女焉卒年九十有三董太妻陳氏年二十八而孀撫孤大訓成立亦娶於陳甫期而大訓死時子婦方二十四歲姑媳飲冰茹蘗艱苦備嘗氏年七十八卒大訓妻見年七十五

楊氏候選鹽課大使王錫馬繼室也年二十五于歸是年夫亡冰霜自誓之死靡他事姑克盡孝道有庶子四人伯仲叔俱與媳相繼云亡長孫亦歿季子遠出家資中落氏與孫媳撫曾孫度日備極艱辛其妾李氏年十六歸王三十歲守節遺一子撫以成立孫文蔚妻毛氏年二十二夫亡生二女無子繼夫姪蘭爲嗣娶婦溫氏三年而蘭亡次女適劉國相甫四載亦孀姑婦母女一門三節鄉里重之

王天一妻張氏年二十七守節卒年七十九子鳳儀早卒其妻候氏年方二十一矢志撫孤事孀姑以孝聞

永平府志
卷七十
列女下
四十五

徐士奎妻張氏奉事翁姑里黨稱孝年二十七夫亡遺一子承宗撫之成立爲娶婦高氏未幾承宗又夭氏與媳艱辛度日同以節著

李天泰繼妻楊氏年二十五夫亡教子文郁成立前室子文矩文靖皆早世矩妻王氏靖妻楊氏青年守志事寡姑胥克盡禮

應笱繼妻王氏庠生元善女也年二十六夫亡矢志守孀事翁姑以孝聞撫前室女如己出及翁姑歿喪葬盡禮夫弟增妻趙氏年二十八夫亡遺一女與姒氏共勵冰霜一門雙節

王慎修妻劉氏夫亡撫子成立爲娶婦張氏子又亡姑婦同撫一孫苦守數十年知府張朝琮旌其門

邛光祖妻田氏咸豐五年于歸夫病中暈絕氏斂夫畢卽仰藥死夫側旣而夫復甦遂終身不娶

潘烈女石門人幼字於趙家峪張姓年十三童養夫家趙家峪山村也峯巒重疊五月十一日女出挑菜村北遇中峯寺惡僧偈姦不從僧以刃裂之暈絕僧逃少頃有人過其處女蘇言其故而斃村人喧傳僧懼罪亦投井死道光六年 旌

以上臨榆

山海衛併入

永平府志

卷七十

列女下

四十六